

сенная, раздружиша бо жия и святых иконы, образы заповедаша честь и поклонение творити не инья ради вины, токмо да под тем покровом и под тем надписанию власть, яже церковная бе, отняти, и к своим богатством и скровищу приложити, свободство без вины да имеют. Яко Юлиан кесарь Отступник сътвори, иже желание святотатства еуангильским свидетельством покрываше, егда имениа и стяжания отимаше у христиан || и церкви бо жии, глаголя: «Христос ваш в Еуангилии глаголетъ: Аще кто не отречется всех яже имать, не можетъ мой быти ученик, и паки: Аще кто не оставитъ отца и мать, жену, дом, села и вся, яже имать, несть мене достоин; и паки: Не пещетесь глаголюще, что ямы или что пьемы или в что облечемся, сих бо всех языци ищутъ, вестъ бо отецъ ваш, яко сих всех требуете, не пещитесь о утрии, и паки: Не собирайте себе съкровищъ на земли, идеже тля глеть и червие поядаютъ, и татие подкопывають и крадутъ, || събирайте себе съкровища на небеси, идеже ни тля глеть, ни червие поядаютъ, и идеже татие не покопываютъ, ни крадутъ, и паки: Чадца, коль неудобно есть уповающихъ на сребро в царство божие внити, уне есть верблюду въсквозе уши игольны проити, неже богатому внити в царство божие, и паки: Птици небесныя гнезда имуть, сын же человекъ не имать где главу поклонити». Сими и многими иными еуангильскими свидетельствы увещаваше той же Юлиан предреченный настоятелем христианским, <sup>φ</sup> и церкви бо жии под таковым покровом отимаше и к своему стяжанию приписываше.\* И паки глаголя: Блажени нищии духом, яко тех есть царство небесное, и паки: Не наследуйте злата, ни сребра, ни медницъ при поясахъ ваших, ни пиры на пути, ниже дву риз, ниже сандалии, ни жезла. И многим иным еуангильским писанием той Юлиан отступник покрываше сребролюбие свое, да настоятелей, епископ и церкви бо жии стяжания благая имети възможеть.

Ради сих и иных преж писанных, вы, епископи и пастыри церкви прав-  
 л. 513 слованная, будете брежно уразумевая и мудри яко змиа<sup>ψ</sup> и прости яко голуби, да здравым учением таковым отвещати можете. Въспомяните, понеж посла вы Христосъ господь ваш и учитель, яко овца посреди волков, не убойтеся аще предадять вы на сонмища и игемены и пред цари ради грабленія церкви стяжаний вам порученных и освященных. Помяните убо яже написана суть, Лука, 12 глава,<sup>ϕ</sup> сице: Глаголю же вам, другом моим, не бойтеся от убивающихъ плоть и по сих ничто же могущихъ сътворити, бойте же ся по убиении плоти имущаго власть послати душу в геенну, сего бойтеся. || Егда же ведутъ вы на сонмища пред цари и игемоны и вельможа и властели ради стяжаний церкви вашей, не пещетесь, како<sup>ω</sup> и что отвещаете, или что за предкновение речете, дух бо святой отца вашего глаголяй в вас, научить вы в той час, что подобаеть вам глаголати. Тако же помяните слово Христово, еже написа вам Иоан, 15 глава: Нестъ раб болши господина своего; аще мене поженуша, и вас поженуть, аще слово мое съблюдоша, и ваше слово съблюдуютъ, и сиа вся сътворять вам ради имени моего, понеже не ведять пославшаго мя; аще не бы аз пришел и  
 л. 514 глагола || л им, греха не быша имели, ныне же обновениа не имать о гресе своем. Сих ради предреченныхъ словес еуангильскихъ епископи и пастыри церковныя попечение имети должны суть учени и разумни, да словом, делом, съветом и здравым учением стяжания церкви своея защищати възмогутъ по утверженіемъ святыхъ отецъ на сиа написаннымъ и дарованнымъ. Пастыри церковныя могутъ церквей своихъ стяжания, села и иная благая

<sup>φ-φ</sup> В ркп. вставка на нижнем поле.  
<sup>ϕ</sup> На поле зачало 63.

<sup>\*</sup> В. ркп. пришиваше.

<sup>ω</sup> В ркп. смиа.

<sup>ω</sup> В ркп. коко.